

[FOTO HIASAN]



*Usaha menyemarakkan semangat nasionalisme dan patriotisme dalam kalangan mahasiswa harus dipergiatkan.*

## Sesi 3 minit sebelum kuliah

Oleh Faizatul Farhana  
Farush Khan  
ffarhana@bh.com.my

Kuala Lumpur

Pendedahan sekurang-kurang tiga minit mengenai kepentingan jati diri oleh pensyarah sebelum memulakan kuliah, mampu meningkatkan patriotisme dan nasionalisme dalam kalangan mahasiswa.

Timbalan Naib Canselor (Hal Ehwal Pelajar dan Alumni) Universiti Putra Malaysia (UPM), Prof Datuk Dr Moham-

mad Shatar Sabran, berkata walaupun singkat, sesi khusus itu berupaya menyuburkan pengetahuan dan kesedaran mahasiswa terhadap ketinggian nilai cintakan negara.

Beliau berkata, peranan pensyarah sangat penting dalam usaha menerap dan memupuk semangat itu dalam diri generasi muda berkenaan.

"Jati diri sebilangan mahasiswa ada pasang surut. Misalnya menjelang sambutan Hari Kebangsaan, nilai itu akan meningkat tetapi apabila ada

pihak mengajurkan demonstrasi politik, ia boleh terjejas jika menyertai aktiviti menyalahi undang-undang.

"Oleh itu, saya melihat usaha pensyarah meluangkan sedikit masa memberi penerangan berkaitan jati diri boleh membantu menanam semangat patriotisme dan nasionalisme dalam kalangan mahasiswa," katanya.

**Bijak buat pilihan**  
Prof Mohammad Shatar berkata, perkembangan teknologi maklumat dan komunikasi (ICT) kini turut memberi impak

terhadap personaliti seseorang, justeru mahasiswa perlu dibimbing agar bijak membuat pilihan melalui aktiviti bersifat holistik.

Beliau berkata, jati diri yang kukuh dapat menghindarkan mahasiswa daripada terjebak aktiviti kurang sihat atau terpengaruh dengan anasir oleh pihak tidak bertanggungjawab.

"Mahasiswa adalah generasi pelapis yang memberi impak pada masa depan negara, selain perlu mengekalkan hasil perjuangan generasi terdahulu" katanya.



Maka dengan memiliki jati diri, mereka berupaya 'menutup pintu' musuh yang berniat merosak keamanan dikecapi negara".

**Prof Datuk Dr Mohammad Shatar Sabran,**  
Timbalan Naib Canselor (Hal Ehwal Pelajar dan Alumni) UPM